

Nanzningz Caeuq Huhhozhaudwz Song Dieg Youq Gwnzmuengx Yienfwngz Hawj Nyezrauh Gak Cuz Ciengz Dox Baedauq

Nanzningz Si caeuq Huhhozhaudwz Si hop-ndaet couqmaenh gij eijsik caezcaemh Cunghvaz Minzczu diuz sienqmeh neix, haeujlaeg gvancez guhsaed gij swhsienj youqgaenj gvendaengz gyagiengz caeuq gajndeih hong minzczu Siz Ginbingz cungsihgi. Caemhcaiq gyagiengz doidoengh 《Gij Saw Hezyi Hozdung “Sin Siu Caez Hengz” Song Dieg Hamj Dieg Caez Cauh Guhyienh Minzczu Doxgiet Baenaj Caeuq Caez Guh “Sam Aen Suenqveh”》 Huhhozhaudwz Si Sinhcwngz Gih-veij Dungjancbu caeuq Nanzningz Si Cinghsiu Gih-

veij Dungjancbu ciemdingh haenx ndaej hengzguh raen cingzcik.

Geij ngoenz gonq, Nanzningz Si Sinhhingh Minzczu Yozyau caeuq Huhhozhaudwz Si Sinhcwngz Gih Haijlah’ wj Siujyoz hamj swngj (gih) doxcomz gwnzmuengx, diuq foux eu fwen doxhuz, caez eu hot fwen 《Hwnj Bya Seizcin》. Gyoengqde youq gwnzmuengx guh aen yizsiz hagdangz hamj dieg doxgap caez cauhaeb minzczu doxgiet baenaj, doidoengh gij hong minzczu song aen hagdangz youq gijsei son-gyauq caeziengj, caez hwngfat, doxhag gingniemh

daengj fuengmienh guh ndaej engq laeg, engq ndei. Baezneix youq gwnzmuengx dap daiz hawj lauxsae lwghag gak minzczu ndaej “sam gyau”, doekceh couqmaenh gij eijsik caezcaemh Cunghvaz Minzczu haeuj ndawsim lwghag, langhbaij gij yienghndei hoengghwd lwgnyez seizdaih moq, coicaenh lwghag gak minzczu doxrox, dox aeueiq, doxhag. Neix cix yienh’ ok gyoengqde gyaezmaij guekcoj, caezhoz doxgyaez, gyonjcomz rengzmbwk “Cunghvaz Minzczu ranz vunz ndeu doengzsim caez guh loqsiengj Cungguek”. (韦雪妍/Veiz Sezyenz)



▲Nanzdanh youq mwh Sam Nyied Sam guh binglangz cunzyouz.

Nanzdanh Yen Lai Fuengsik Guh Hung Guh Ak Canjnieb Vwnzlij

Gyawj geij bi neix doxdaeuj, Nanzdanh Yen baengh gij swhyenz diuzgen ndei, swhyenz feihyiz lai haenx caeuq gij yienghndei minzczu daegbied de, mboujduenh guh ndei aen daihbuenz canjnieb vwnzlij, guh hung guh ak canjnieb vwnzlij, doidoengh vwnzlij yungzhab daengx yienh cauhamoq hwngfat, guh ok cingzcik moq. Bineix aen geiqdoh daih’ it, daengx yienh ciepdaih hekyouz 162.74 fanh vunz, beij bi’gvaq mwhhaenx lai le 66.93%; lijyouz siuyungh 16.68 ik maenz ngaenz, beij bi’gvaq mwhhaenx lai 56.43%.

Nanzdanh gaenxmaenx doi-caenh aen muzbyauh “aen singz habyouq baeyouz ndoj raemh”, mboujduenh dajcauh aen binjbaiz lijyouz “dieg ndei baeyouz

ndoj raemh aen mbanj Yauzvaqhau seiqgyaiq”. Seizneix, ndawyienh miz 13 aen diegbaeyouz guekgva A gaep, ndawde aen diegbaeyouz 4 A gaep miz 8 aen. Nanzdanh yungh lix swhyenz feihyiz, aen cazduzroeg, diengz aennyenz, ding langhbaij buhvaq, dieg saeg buh Yauzcuz, haw gaiqgwn daengj bae baij ok gij vwnzva cienzdoengj minzczu Yauzvaqhau, hawj vunzlai daejniemh caemhcaiq rox gij vwnzva feihyiz Nanzdanh. Yienh de lij hwngfat ginghei seizciet. Youq cieng, ciet vamaenj, ciet vangaex, ciet soulai daengj ciu vunz daeuj, hwnq dieggiek, guh diegdoz lajmbanj, hawj ginghei seizciet doidoengh ginghei gwnzbiengz hwngfat.

(罗丹荣/Loz Danhyungz 龙星荟/Lungz Singhvei)

Lozcwngz Aeu Hozdung Lai Yiengh Coux Ciet Daxmeh

5 nyied 11 hauh, Lozcwngz Mulaujcu Swciyen Aen Youwzyenz Daihngieh guh hozdung lai yiengh cawjdaez son’gyauq “ciet daxmeh”. Gyoengq lwgnyez doenghfwngz guh laex soengq daxmeh, gingq caz daxmeh, eu fwen hawj daxmeh dingq, mehlwg caez guhcaemz daengj, gyo-mbaiq daxmeh, angq coux ciet daxmeh daeuj daengz.

(廖光福/Liu Gvanghfuz)



▲ Gyoengq lwgnyez soengq fag nepbyoem hawj daxmeh.

Denzyangz Gih Lwnhgangj Fuengz Cai Gemj Cai



▲ Bouxguhong gangj gij cihsiz fuengz cai hawj vunzlai nyi.

5 nyied 11 hauh, Bwzswz Si Denzyangh Gih Gemjcai Veijyenzvei gak aen cwngzyenz danhvei doxcaez aeu “bouxbox gangj ancienz, vunzvunz rox wngqgip—caenhrengz daezsang gij naengzlig lajmbanj fuengz cai ndoj yiemj” guh hozdung cawjdaez lwnhgangj “5 · 12 ngoenz fuengz cai gemj cai”. Gyoengqvunz baij aen daiz camcaz lwnhgangj, venj mbaw fuk, fat swliu, baijok gij banj lwnhgangj, guhyienh baenzlawz yungh gicaiz gouqcoengh caeuq sonlien baenzlawz gouqgip. Neix lwnhgangj le gij cihsiz fuengz, gemj, gouq cainanh, son daihgya baenzlawz youq mwh gip gouqvunz.

(黄国顺/Vangz Gozsun 刘杰/Liuz Gez)